

Lingua Magahi

Lingua Magahi (*Magahī*) ad Linguas Indicas e divisione Indoiranica familiae Indoeuropaeae pertinet; interdum in lingua Bihari et in regione linguistica Hindi numeratur. In India adhibetur ad meridiionalem civitatis Bihar partem, iuxta urbes Patna et Gaya, et in nova civitate Jharkhand, ubi dialectus orientalis seu *Pañcaparganiyā* adhibetur; dialecti aliae, borealis, centralis, australis etiam recognoscuntur. Nomen habet e regione respectiva, Sanscrite *Magadha* appellata; ibi ante duo milia annorum populus dialecto Pracritica *Magadhi* usus est, cuius progenies hodierna est series linguarum lingua Bihari (inter quas *Magahi*), Orissensis, Bengalica, Assamica. Iam in dialecto antiqua *Magadhi* vox Sanscrita *dh* in *h* mutatur, e qua re nomen hodiernum sermonis eiusdem regionis *Magahī* defluit. Scriptura hodie Devanagari adhibetur, olim Kaithi, sed litteratura *Magahi* fere nulla recognoscitur; qui hoc sermone utuntur verba Hindi in colloquiis saepius includunt et fere semper in lingua Hindi scribunt. Sunt autem carmina popularia permulta.



Templum Visnupadh in urbe Gaya regionis Bihar



Notae

1. Ethnologue (http://www.ethnologue.com/show_language.asp?code=mag) "anno 2002"

Nexus externi

- De hac lingua (http://www.ethnologue.com/show_language.asp?code=mag) apud *Ethnologue*
- Situs locutorum (http://lmap.org/languages/mag/static_map.html) apud *Linguist List*
- Magadhi* (<http://www.rosettaproject.org/archive/mag>) apud *Rosetta Project*
- Bibliographia huius linguae (<http://www.southasiabibliography.de/Bibliography/Indo-European/Magahi/magahi.html>)

Bibliographia

Lingua Magahi मगही	
Taxinomia:	Lingua Neoindica e divisione Indoiranica familiae Indoeuropaeae
Locutores:	13 000 000 ^[1]
Sigla:	<u>1</u> bh, <u>2</u> mag, <u>3</u> mag
Status publicus	
Officialis	
Privata	<u>India</u>
Litterae:	<u>Traditio Magahi</u>
Scriptura:	<u>Devanagari</u> et olim <u>Kaithi</u>
Procuratio:	
	
Familiae linguisticae coloribus Vicipaedicis pictae	
	
Linguae Indicae praecipuae	

- "Magahi" in Andrew Dalby, *Dictionary of Languages* (ed. recensa: Londinii: Bloomsbury, 2004. ISBN 0747576831) p. 381
 - Maitra Asim, *Magahi Culture*. Novi Dellii: Cosmo Publications, 1983
-

Receptum de "https://la.wikipedia.org/w/index.php?title=Lingua_Magahi&oldid=3266791"

Novissima mutatio die 30 Aprilis 2017 hora 17:57 facta.

Nonobstantibus ceteris condicionibus hunc textum tractare licet secundum "[Creative Commons Attribution-ShareAlike License](#)". Vide [modos et condiciones](#).